



Ai 05 y ai 06 de furá él gnü tigní a Latzfons la 3. gara dla lüsa dl Südtirolcup 2011. Tschaffert Diego (da La Val) á indô mustré che al é le miú al mumént. Insciö al davagné dütes les gares dl Südtirolcup. Cun chësta terza vitoria al ince davagné la valutaziun generala 2011. Diego jará ince insciö sciöche favorit ales "Europameisterschaften" proscima edma a Oberfuss te Austria. Interessant é che le miú tëmp ne é nia sté Diego che á fat, mo Gamper Reinhilde, che á ince davagné la valutaziun generala 2011. Gauja de chësc bun tëmp de Reinhilde é stada la pista, cun les temperatüres che jê tres plü sö, él la pista che á dé dô y insciö ne é plü degügn stá bugn da ruvè pormez a chël tëmp.

Iris Erlacher (scuadra da La Val) se á piazé al bunisciomo 3. post dla valutaziun generala. Alton Tone se á piazé al bun 2. post pro i Amateure II. La valutaziuns generala 2011 de scuadres é gnüda davagnada dala scuadra te ciasa ASV Latzfons Verdings. La scuadra da La Val se á piazé al buniscimo 3. post. Cun chësta ultima gara se á stlüt jö le Südtirolcup 2011, cun de bugn resultać por i atleć da La Val. In chësc ann saral ćiamo döes gares, la EM y les "Landesmeisterschaften" ai 26 y 27 de furá a Deutschnofen.

Por ćiaré ala tlassifca drüca: [Latzfons.pdf](#)

Por ćiaré ala tlassifca scuadres drüca: [Tlassifica\\_scuadres.pdf](#)

Por ćiaré ala tlassifca finala generala 2011 drüca: [Tlassifica\\_generala\\_2011.pdf](#)

Por čiaré ales foto drüca: [FOTO](#)